

上清天寶齋初夜儀 為元

上清天寶齋者學道之人求仙要訣學授

上清畢法之後得行此齋如授中法不

得行天寶齋也

先為帝王國主祈福次為祖禰請恩洗滌

宿瑕懺謝新過功行圓滿道德者充自

然成仙白日騰者

天子鎮信

金龍五枚各重五兩玉璧五枚各方東方青綾九

匹南方赤綾三匹西方白綾七匹北

方黑綾五匹中央黃綾一十二匹

已上鎮信綾繒並須密緻厚實者如是輕

薄者不用

公侯鎮信

金龍五枚各重五兩玉璧五枚各方東方青綾一

匹南方赤綾一匹西方白綾一匹北

方阜綾一匹中央黃綾一匹

已上鎮信綾繒並須密緻厚實者如是輕

薄者不用

庶人鎮信

東方青繒九尺 南方緋繒三尺 西方白
繒七尺 北方阜繒五尺 中央黃繒一丈
二尺

已上鎮信綾繒並須密緻厚實輕薄者不
在用限

青童君曰若是修行志久在山巖中奉道誠
深求仙願切但備香燈無煩龍絲精潔虔心
自然得道也

凡欲修齋先以黃書具文九道於青紙上
安在天門一小案上還官之日只於天門

燒之上至天子下至庶人於壇上級點三
十二天燈每位一盞中級下級隨力所辦

壇外更點二十八宿燈及五星燈本命五
燈行年九燈於本屬位上蠟燭隨事充足

壇上門戶榜子一如黃籙齋法

先引齋主於玄師前請告齋意

次唱道

次請三師

次華夏讚引至地戶

次勅水

次昇壇呪從天門入

天玄炁清三光洞明金房道室五芝寶生玄
雲紫蓋來映我形玉童玉女為我致靈五帝
齊景三光同軒騰駕龍鶴昇入紫庭齋主請
福願保長生通真使者速達上清

次旋行上五方香畫從東夜從北

次上御案香

次各禮師存念如法

次上本位香

次衛靈神呪

次鳴法鼓二十四通

次發鑪

上元五靈五老虛無自然元一天尊無上天
寶君直香全童素靈玉女左右玉靈自然通
真飛光龍騎各八十一人並出嚴莊闕啓此
間土地里域具官臣今正爾燒香行道奉為
齋主其官修設上清天寶大齋一宿道場三
朝法事精排蘭味嚴潔香花繒綠金龍祈恩
請福願得無上十方金丹玉光降流齋主身
中所存速聞

高上玉帝萬聖九前

次各稱名位

具法位 臣某奉行上清天寶大齋初夜法事
及諸道衆主等謹同誠上啓

虛無自然無極大道元始天尊無上天寶元

君上清玉帝太上道君太上老君太上丈人

無上玄老高上玉皇西龜王母南岳夫人十

方得道大聖衆至真玄德諸君丈人玉虛上

帝玉帝大帝東華南極西靈北真玄都玉京

金闕七寶玄臺紫微上官靈寶至真明皇道

君三十二天帝二十四高真太平下教文始

先生天地水三官上相上宰日月星辰四司

五帝天仙地仙飛仙神仙玄中大法師經籍

度三師三天大法師五嶽四瀆八海九江名

山洞府三界官屬一切真靈臣聞圓清方濁

孕元於玄關稟象分形寶靈於妙道循環不

輟化育無遺覆載生成司明罪福此即元皇

演教太上流科飛法雨以蕩塵勞運慈舟而

超苦海是以齋主某敢投切懇上叩玄關乞

福祈恩消災散禍羅列香燈繡絲金龍建一

宵之道場赴三時之法席臣以胎生阻質乳

哺凡庸宿積塵緣幸居玄化早年冠褐志慕

真宗受法錄於星壇傳香燈於月殿登壇之

日告盟之時許闡玄猷宣揚聖典凡有歸向

敢不上聞齋主音詞謹當宣奏

次讀詞

按如詞旨析福誠深拔度存亡資延福壽發

心舉意三界遙知謝過追愆萬聖容許手持

香火心祝虛無行道三時設齋一座精修蘭

味嚴潔香花延三島之高真降十方之上聖

玄穿渺遊啓告皆通大道無涯叩其深意鑒

察追非之懇聆聞悔過之詞俯賜玄恩弘開

宥典念向來之愚短捨已往之際非前代之

尤今生之過庶使百骸通悅六府均調五藏

懼怡萬神安穩丹宮有飛昇之字黑府無朽

敗之名萬累俱消千祥竟至寬仇息對債主

停詞故殺誤傷咸令解釋精心絕念注想玄

闕今夜略啓齋因來日別陳祝懇此間土地

里域具官錄此齋功上聞真界所有懇願上

徹

三清無極道君玉帝九前

次禮十方

臣等志心歸命北方無極無窮元始高上天
寶元君上清天尊每方做此各一體

次各虔誠懺悔

臣等志心歸命十方無極大道天寶元君上
清玉帝臣等以今懺悔散鍊答愆普降洪慈

深貽巨澤遍禮東西南北上下四維日月星

辰名山洞府五嶽四瀆八海九江三界官屬

一切真靈上祝

當今皇帝聖算遐長皇圖鞏固懺悔臣等官

寮文武及以齋主九玄先遠內外宗親四友

三師上下眷屬前生今世歷劫罪尤輕聖慢

賢誘欺四輩不忠不孝毀像毀經殘害無辜

損傷生類如斯咎孽堆積如山不憑道力消

穰無以得階仙果願以舊愆消盡新慶全臻

惟吉惟慎真靈翼祐克免仇息對債主停詞故

殺誤傷咸令解釋丹宮署簡黑都除名永泰

福鄉長芳壽域禍沉九夜福起十方稽首歸

依正真三寶

次朗誦元始三天章
清微天頌

元始洞空無 三炁精上門 紫融灌大虛
 四明植靈根 妙化發東瓊 三便啓西崑
 浩映九玄清 五華帶錦雲 離羅煥神燈
 七星耀北元 飄飄上清徽 翼翼帝一尊
 落落高上張 羽童何紛紛 流香本無色
 洞入萬仙羣 左迴三流劫 右轉九天關
 金華纓素雲 八風舞空輪 四時無停機
 青白早分明 九九改劫運 三三度一椿
 天地有終會 否激歸任誕 洞明正一法
 嚴修六天文 太平反空無 奉翼後聖君

禹餘天頌

靈風起西門 錦雲生東瓊 三氣煥玉洲
 沈香乘煙輕 五花披風散 倏效朗九清
 騫樹耀朱日 黃華逐月生 中有株芝童
 衣羽帶飛青 飄景萬嶺峰 逍遙宴綠軒
 控御九空輪 運開無稽程 左令三天文
 右攝六天兵 檢悉反空洞 六度應運傾
 劫運自有會 誰測敗與成 洪波淪雲網

六合無道形 魄尸深長流 孤魂澆復蒙
 悲此去來際 乃覺正法明 至學加精修
 東華結瓊名 欣有白簡人 相與樂太平

大赤天頌

洞關運天經 五氣轉三微 紫戶吐瓊簡
 金門納神暉 八會交真風 晃朗重冥開
 天際九清外 落落高晨迴 三色反空無
 四候應玉機 河侯已鼓筆 五行潛相推
 六度無終劫 運極乘炁歸 萬魔羅天布
 羣凶競吐威 先民負災衝 積尸令人悲
 妙哉正法文 履劫明不衰 至時相奉迎
 契在九天扉 與爾期太平 放身無翼飛

次三禮

志心稽首禮無極無窮元始高上天寶元君
 上清天尊
 志心稽首禮三十六部上清真經自然黃書
 至極靈文
 志心稽首禮太上三尊玄中法師道德聖家
 一切仙真
 次重稱名位

虛無自然無極大道高上元始天寶元君玉
 皇上帝太上老君上相上宰三界官屬一切
 真靈巨以忝逢道化宿有靈源參佩真符獲
 披瓊韞受道之日告盟之時許闡玄猷宣揚
 聖典齋官析恩情切謝過誠深法中三朝設
 齋一座香飛八景燈吐千花構祝於寶座之
 前注想於碧霄之上伏願虛無聖東太上高
 真監此精虔厚貽積貺令巨得道魔試不侵
 萬聖護持千靈翼贊今依科法說戒遠壇明
 日燒香更申啓奏願開慈照俯視精誠拔度
 沉迷早昇雲路存亡獲泰共保清貞壽峻南
 山福深東海上明
 天尊覆育之澤下副巨等歸命之誠感謝正
 真垂映下照稽首再拜

次八願

上清玉帝太素元君太上高靈仙都大神今
 日上告八願開陳一願飛霄長生神具二願
 天地合景風雲三願五嶽與身長存四願九
 祖解罪脫愆五願福壽斷絕胎根六願端正
 智惠開全七願滅鬼斬馘六天八願甘露永

劫長延

次復鑑

仙靈仙官金童使者五帝五獄神仙真人三
光正真左右龍虎天仙五靈香官當今召致
無上十方正真生炁自然金液丹精芝英九
天玉真在此齋壇洞觀齋主覆護昇仙飛行
太空騰景九天玉童玉女侍衛香煙傳日向
來所啓速遠高具上清玉帝萬聖九前

吟遊壇頌一市下壇

衆仙出洞真 煥爛耀太清 奉者號仙人
形質永長生 逍遙戲玄虛 宮殿羅無形
箒際七寶林 晃朗日月精 龍鱗交橫馳
鳳凰翔悲鳴 太上治玄宮 衆真誦洞經
焚香稽首禮 左行遶宮城 三周歸高坐
天尊當應聲 一心弘至道 天下普安寧

學仙注下壇呪從地戶出

福壽既往 殞籍落名 天帝有命 億劫齊生
事畢復位 萬神咸寧 後有關啓 復降真靈
至玄師前拜謝而散
上清天寶齋初夜儀 終

太乙火府奏告祈禳儀

舉步虛

焚符於水玉淨穢

太虛無體淨穢皆空妄覺一生塵緣競起既
非真境即是魔宮是故行持先當蕩滌謹奉
真符告召

九鳳破穢大將軍八方大力威神乾羅怛那
洞罡太玄使者五方五龍神君華池文浴夫
人滄水繡衣使者吞魔食鬼將軍銅頭鐵面
騎吏本佩法錄仙靈解穢合干將吏並請遵
依元降齋赴靈場布炁行神流鈴擲火變化
法水蕩穢氣於八紘斬戩魔精布真風於十
極萬靈振伏十方肅清天無氛穢地無妖塵
冥慧洞清大聖玄玄一如告命

淨天地神呪 火舉華夏

師三禮上香

道由心學 信假香傳 手執玉爐 心存九天
真靈下盼 仙梯臨軒 臣今所啓 咸賜如言

跪默啓

具位臣某恭焚真香誠惶誠恐稽首頓首啓

奏供養

玉清聖境元始天尊上清真境靈寶天尊太
清仙境道德天尊昊天至尊玉皇上帝星主
北極紫微大帝太微天皇大帝承天效法后
土皇地祇神霄真王長生大帝東極青華大
帝九天應元雷聲溥化天尊九天雷祖大帝
上清紫微碧玉宮太乙大帝六天洞淵大
帝六波天主帝君可韓司丈人真君九天採
訪使真君五方五天尊十方靈寶天尊三
十二天帝君諸天上帝高真十極十華真宰
瓊章道藏經錄神仙斗父北極龍漢天君斗
母紫光金真聖德天后中天北斗九皇道君
斗中帝座星君北斗九皇夫人內妃擊羊陀
羅二仙使者斗中神仙靈官將吏天罡大聖
萬真節度星君日宮月府星君五方五德星
君玄都四曜星君南斗六司星君東西中三
斗星君三台華蓋星君二十八宿星君十二
宮分星君普天玄象星宰南極長生注生大
帝南極福祿壽星君西臺金真萬炁元君本
命元辰福祿壽星君大小運限祿馬星君當